



Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 104. Zakona o socijalnoj skrbi („Narodne novine Hercegbosanske županije“, broj: 5/98 i 6/23), člana 10. Statuta Centra za socijalni rad Glamoč broj: 16-327/10 od 28.12.2010.godine, Odluke o usklađivanju i dopunama Statuta Centra broj: OPU-IP: 407/13, člana 17. Statuta Opštine Glamoč – prečišćeni tekst („Narodne novine Opštine Glamoč“, broj: 01/15) i člana 1. Odluke o raspisivanju Javnog konkursa za izbor i imenovanje direktora Centra za socijalni rad Glamoč broj: 0V-01-02-01-132/23 od 28.09.2023.godine, Opštinsko vijeće Glamoč, raspisuje

JAVNI KONKURS za izbor i imenovanje direktora Centra za socijalni rad Glamoč

Raspisuje se Konkurs za izbor i imenovanje direktora Centra za socijalni rad Glamoč.

Opis pozicije i period imenovanja:

Direktor Centra za socijalni rad Glamoč (u daljem tekstu: Centar) ima prava i ovlaštenja organa upravljanja i rukovođenja, te obavlja poslove utvrđene Zakonom o socijalnoj skrbi, Statutom i Pravilnikom o unutrašnjoj organizaciji i sistematizaciji poslova i radnih zadataka Centra.
Direktor Centra imenuje se na mandatni period od 4 (četiri) godine uz mogućnost ponovnog imenovanja.

Opšti uslovi

Kandidati za izbor i imenovanje direktora Centra za socijalni rad Glamoč obavezni su ispunjavati slijedeće opšte uslove:

- da su državljani Bosne i Hercegovine,
- da su stariji od 18 godina,
- da nisu otpušteni iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije objavljivanja ovog Javnog konkursa,
- da se na njih ne odnosi član IX . 1. Ustava Bosne i Hercegovine.

Posebni uslovi

Pored opštih uslova kandidati moraju ispunjavati i slijedeće posebne uslove:

- VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja – studij socijalnog rada, socijalne pedagogije, ekonomije, prava ili psihologije
- najmanje pet godina radnog iskustva u djelatnosti socijalne skrbi
- položen stručni ispit

Bilo koja osoba koja je na funkciji u političkoj stranci ne može biti konačno imenovana na dužnost direktora Centra (član 5. Zakona o ministarskim, vladinim i drugim imenovanjima Federacije Bosne i Hercegovine).

Potrebni dokumenti

Uz potpisanu prijavu koja sadrži kraću biografiju i kontakt podatke (adresa, kontakt telefon, e -mail i slično) potrebno je priložiti dokaze o ispunjavanju opštih i posebnih uslova:

- uvjerenje o državljanstvu (original, ne starije od šest mjeseci),
- ovjerena fotokopija diplome o stečenoj stručnoj spreml a ukoliko fakultet nije završen u Bosni i Hercegovini ili je diploma stečena nakon 06.04.1992. godine u nekoj od država nastalih raspadom SFRJ i dokaz o nostrifikaciji diplome izdat od nadležnog organa,

- dokaz o radnom iskustvu u djelatnosti socijalne skrbi (u originalu, ne stariji od 30 dana u trenutku podnošenja prijave na konkurs),
- ovjerenja fotokopija uvjerenja o položenom stručnom ispitu,
- ovjerenu izjavu da nije otpušten iz državne službe kao rezultat disciplinske mjere na bilo kom nivou vlasti u Bosni Hercegovini u periodu od tri godine prije objavljivanja ovog Javnog konkursa,
- ovjerenu izjavu da ne podliježe članu IX. 1. Ustava BiH,
- ovjernu izjavu da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine.

Razmatranje prijava, intervju, rang lista, prigovori

Povjerenstvo za izbor će razmotriti prijave, intervjuirati kandidate, utvrditi rang- listu kandidata i istu dostaviti Općinskom vijeću na konačno imenovanje.

Na odluku o konačnom imenovanju direktora Centra zainteresovana strana može u roku od 8 dana od dana donošenja Odluke uložiti prigovor Drugostepenoj komisiji za žalbe, a fotokopiju prigovora dostaviti Ombudsmenu za ljudska prava Bosne i Hercegovine.

Oglašavanje i rok za prijavu

Prijave uz tražene dokaze u koverti dostaviti u roku od **15 dana** od dana objave konkursa u „Službenim novinama Federacije Bosne i Hercegovine“, putem pošte preporučenom pošiljkom ili putem prijemne kancelarije Opštine Glamoč na adresu:

OPŠTINA GLAMOČ

Komisija za izbor direktora Centra za socijalni rad Glamoč

Ul. Nikole Bojinovića br.6

80230 Glamoč

sa naznakom: „Prijava na Javni konkurs za izbor i imenovanje direktora Centra za socijalni rad Glamoč – NE OTVARATI“

Nepotpune i neblagovremene prijave neće se uzeti u razmatranje.

Ovaj konkurs objaviće se u Službenim novinama Federacije BiH, jednom dnevnom listu, službenoj web stranici Opštine Glamoč i oglasnoj tabli Opštine Glamoč.

Broj: 0V-01-02- 01-132-1/23
Glamoč, 28.09.2023. godine



Predsjednik

Marko Damjanović